

子之道方逾一作遠而彌長道之難行方孔孟一有亦遑遑云其一世之屯方萬世之光曰吾不有命方安在乎桓
雖與滅倉自古聖賢皆然方噫子雖毀其何傷

故霸州文安縣主簿蘇君墓誌銘并序家蘇无小字

有蜀君子曰蘇君諱洵字明允眉州眉山人也君之行
義修於家信於鄉里聞於蜀之人久矣當至和嘉祐之
間與其二子軾轍借至京師翰林學士歐陽脩得其所
著書二十一篇獻諸朝書既出而公卿士大夫爭傳之
其二子舉進士皆在高等亦以文學稱於世眉山在西
南數千里外一日父子隱然名動京師而蘇氏文章遂
擅天下君之文博辯宏偉讀者悚然想見其人既見而
温温似不能言及即之與君愈久而愈可愛聞而出其

所有愈叩而愈無窮嗚呼可謂純明篤實之君子也魯
祖諱祐祖諱杲父諱序贈尚書職方員外郎三世皆不
顯職方君三子曰澹曰渙皆以文學舉進士而君少獨
不喜學年已壯猶不知書職方君縱而不問鄉閭親族
皆恠之或問其故職方君笑而不答君亦自知也年二
十七始大發憤謝其素所往來少年閉戶讀書為文辭
歲餘舉進士再不中又舉茂才異等不中退而嘆曰此
不足為吾學也悉取所為文數百篇焚之益閉戶讀書
絕筆不為文辭者五六年迺大究六經百家之說以考
質古今治亂成敗聖賢窮達出處之際得其粹精涵畜
充溢抑而不發久之慨然曰可矣由是下筆頃刻數千
言其縱橫上下出入馳騁必造於深微而後止蓋其稟

也厚故發之遲志也愨故得之精自來京師一時後生
學者皆尊其賢學其文以為師法以其父子俱知名故
號老蘇以別之初脩為上其書召試紫微閣辭不至遂
除試秘書省校書郎會太常修纂建隆以來禮書乃以
為霸州文安縣主簿使食其祿與陳州項城縣無縣
令姚闢同修禮書為太常因革禮一百卷書成方奏未
報而君以疾卒實治平三年四月戊申家作也享年五
十有八天子聞而哀之特贈光祿寺丞勅有司具舟載
其喪歸于蜀君娶程氏大理寺丞文應之女生三子曰
景先家脫此字早卒軾今為殿中丞直史館家作某官
轍權大名府推官家作某官三女皆早卒孫曰邁曰遲
有文集二十卷益法三卷君善與人交急人患難死則

血養其孤鄉人多德之蓋晚而好易曰易之道深矣汨
而不明者諸儒以附會之說亂之也去之則聖人之旨
見矣作易傳未成而卒治平四年十月壬申家蘇作公

年公月公日

葬于彭山之安鎮鄉可龍里君生於遠方

而學又晚成常歎曰知我者惟吾父與歐陽公也然則
非余誰宜銘銘曰

蘇顯唐世實樂城人以宦留眉蕃蕃子孫自其高曾鄉
里稱仁偉歟明允大發於文亦既有文而又有子其存
不朽其嗣彌昌嗚呼明允可謂不忘

贈太子太傅胡公墓誌銘

太子少師致仕贈太子太傅胡公諱宿家作某字武平
其先豫章人也後徙常州之晉陵世有隱德為晉陵著

姓公舉進士中天聖二年乙科為真州揚子尉縣大水
漂溺居民令不能救公曰拯溺吾職家作無誤也即率
公私舟活數千人歲滿調廬州合肥蘇作肥誤主簿張
丞相士遜稱其文行薦諸朝召試學士院為館閣校勘
與修北史改集賢校理通判宣州三遷太常博士判吏
部南曹賜緋衣銀魚一有出字知湖州為政有惠愛築
石塘百里捍水患大興學校學者盛於東南自湖學始
公丁母夫人憂去而州人思之名其塘曰胡公塘學者
為公立生祠于學中至今祠之公居喪毀瘠過禮三年
不居于內服除為三司鹽鐵判官轉尚書祠部員外郎
判度支局院知蘇州兩浙路轉運使召還修起居注以
本官知制誥兼句當三班院已而兼判吏部流內銓入

內都知楊懷敏坐衛士夜盜入禁中驚乘輿斥出為和
州都監懷敏用事久勢動中外未幾召復故職公封還
辭頭不草制論曰衛士之變蹤跡連懷敏得不窮治誅
死幸矣豈宜復在左右其命遂止久之拜公翰林侍讀
學士遷翰林學士兼史館修撰判館事兼端明殿學士
累遷尚書左司郎中兼知通進銀臺司審刑院群牧使
提舉在京諸司庫務醴泉宮判尚書禮部遂判都省再
知禮部員舉奉使契丹館伴北朝人使亦皆再而虜人
嚴憚之公為人清儉謹默內剛外和群居笑語謹謹獨
正容色溫溫不動聲氣與人言必思而後對故其蒞官
臨事慎重不輒發發亦不可回止而其趣要歸於仁厚
朝議在官年七十而不致仕者有司以時按籍舉行公

以謂養廉耻厚風俗宜有漸而欲一切以吏議從事殆
非所以優老勸功之意當少緩其事一作使人得自言
而全其美節朝廷嘉其言是至今行之皇祐新樂成議
者多異論有詔新樂用於常祀朝會而郊廟仍用舊樂
公言書稱同律而今舊樂高新樂下相去一律難並一作
遂用而新樂未施於郊廟先用之朝會非先王薦上帝
配祖考之意皆不可一作遂不行近制禮部四歲一貢
士議者患之請更為間歲議已定公獨以為不然曰使
士子廢業而奔走無寧歲不如復用三歲之制也衆皆
以公言為非行之數年士子果以為不便而卒用三歲
之制仁宗久未有皇子群臣多以皇嗣為言未省公以
學士當作青辭禱嗣一作祠于山川即建言儲位久虛

非所以居安而慮危願擇宗室之賢者立之以慰安天
下之心語甚切至公學問該博兼通陰陽五行天人作
災異之說南京鴻慶宮災公以謂南京聖宋所以受
命建號而大火主於商丘國家乘火德而王者也今不
領於祠官而比年數災宜修火祀事下太常歲以長吏
奉祠商丘自公始慶曆六年夏河北河東京東同時地
震而登萊尤甚公以歲推之曰明年丁亥歲之刑德皆
在北宮陰生於子而極於亥然陰猶強而未即伏陽猶
微而未即勝此所以震也是謂龍戰之會而其位在乾
今西北二虜中國之陰也宜為之備不然必有內盜起
於河朔明年王則以貝州叛公又以為登萊視京師為
東北隅乃少陽之位也今二州並置金坑多聚民以鑿

山谷陽氣損泄故陰乘而動縣官入金歲幾何小利而
大害可即禁止以寧地道皇祐五年正月會靈宮災是
歲冬至祀天南郊以三聖並配明年大旱公曰五行火
禮也去歲火而今又旱其應在禮此殆郊丘並配之失
也即建言並配非古宜用迭配如初詔其後并州議建
軍為節鎮公以皇土考之曰昔高辛氏之二子不相能
也堯遷閼伯於商丘主火而商為宋星遷實沈於臺駘
主水而參為晉星國家受命始於商丘王以火德又京
師當宋之分野而并為晉地參商仇讎之星今欲崇晉
非國之利也自宋興平僭為并最後服太宗削之不使
列於方鎮八十年矣謂宜如舊制公在翰林十年多所
補益大抵不為苟止而妄隨故其言或用或不用先後

卒如其言然天子察公之忠欲大用者久矣嘉祐六年

八月拜公諫議大夫樞密副使公既慎靜而當大

任尤顧惜大體而群臣方建利害多更張庶事以革弊

公獨厭之曰變法古人一作今之難不務守祖宗成法而

徒紛紛無益於治也又以謂契丹與中國通好六十餘

年自古未有也善待夷狄者謹為備而已今三邊武備

多弛牧馬著虛名於籍可乘而戰者百無一二又謂滄

州宜分為一路以禦虜此今急務也若其界上交侵小

故乃城寨主吏之職朝廷宜守祖宗之約不宜爭小利

而隳大信深戒邊臣生事以為功在位六年其論議類

皆如此英宗即位拜一作遷給事中治平三年累上表

乞致仕未一作不允久之拜尚書吏部侍郎觀文殿學士

知杭州為政不略細故或謂大臣不宜自勞公曰此民
事也吾不敢忽以是民充愛之明年今上即位遷左丞
五月公以疾告遂除太子少師致仕命未至而公以六
月十一家作某日薨于正寢享年七十有三一作即以
其年十一家蘇作某月某日葬于常州某縣某鄉之某
原一作晉陵縣南安鄉之隆亭公之曾祖諱持累贈太
傅曾祖妣歐陽氏追封晉陵郡夫人祖諱徽累贈太師
祖妣楊氏追封華陰郡太夫人余氏嘉興郡太夫人父
諱察力針切累贈太師兼中書令妣沈氏追封東陽郡
太夫人真氏南陽郡太夫人李氏金城郡太夫人家蘇
本三代至追封皆曰某公累階光祿大夫勳上柱國開
國安定爵公食邑二千八百戶食實封四百戶賜姓誠

保德翊戴功臣初娶吳氏追封蘭陵郡夫人再娶何氏
封南康郡夫人子男五人長曰宗堯今為都官員外郎
次曰遵路早卒次曰宗質國子博士次曰宗炎著作佐
郎次曰宗厚秘書省正字蘇本無此早卒女四人皆適
士族孫志脩試秘書省校書郎世脩德脩安脩奕脩慎
脩益脩蘇作若干人公自一无此字為進士知名于時
楊文公億得其詩題于秘閣歎曰吾恨未識此人其舉
進士也謝陽夏公絳薦公為第一公名以此益彰而謝
公亦以此自負少嘗善一浮圖其人將死謂公曰我有
秘術能化瓦石為黃金子其葬我我以此報子公曰爾
之後事吾敢不勉然術非吾所欲也浮圖歎曰子之志
未可量也其篤行自勵至於貴顯常如布衣時有文集

四十一有一字卷銘曰

允矣胡公順外剛中惟初暨終一德之蒸公之燕居其氣溫溫率必可法思而後言公在朝廷正色侃侃蔚有嘉話憂深慮遠不迎利趨不畏勢反有或有不從後必如之久而愈信一作薦孰不公思侍從之親樞機之密名望三朝清職峻秩愷悌之仁一作化宜國黃耆七十而止孰云多壽惟善在人刻銘不朽

熙寧五年秋七月男男發等編定

紹熙二年三月郡人孫謙益校正

歐陽文忠公文集卷之三十四

歐陽文忠公集三十五卷

臨江後學曾魯得之考異

墓誌三首碑音附

永州軍事判官鄭君墓誌銘

鄭君諱平字某衡州衡陽人也少儻有大志舉進士天禧三年蘇本作二年甲科為郴州軍事推官監潭州茶場坐茶惡光官久之試秘書省校書郎知連州陽山縣為道州軍事推官丁母憂服除調永州軍事判官監衡州菱源銀冶以疾去官慶曆三年七月某日卒于家享年五十有一以其年某月某日葬于其所曾祖諱某

四十一有一字卷銘曰

允矣胡公順外剛中惟初暨終一德之蒸公之燕居其氣溫溫率必可法思而後言公在朝廷正色侃侃蔚有嘉話憂深慮遠不迎利趨不畏勢反有或有不從後必如之久而愈信一作薦孰不公思侍從之親樞機之密名望三朝清職峻秩愷悌之仁一作化宜國黃耆七十而止孰云多壽惟善在人刻銘不朽

熙寧五年秋七月男男發等編定

紹熙二年三月郡人孫謙益校正

歐陽文忠公文集卷之三十四

歐陽文忠公集三十五卷

臨江後學曾魯得之考異

墓誌三首 附音

永州軍事判官鄭君墓誌銘

鄭君諱平字某衡州衡陽人也少儻有大志舉進士天禧三年蘇本作二年甲科為郴州軍事推官監潭州茶場坐茶惡免官久之試秘書省校書郎知連州陽山縣為道州軍事推官丁母憂服除調永州軍事判官監衡州菱源銀冶以疾去官慶曆三年七月某日卒于家享年五十有一以其年某月某日葬于其所曾祖諱某

永州祁陽令祖諱某江陵府建寧縣令父諱某道州軍
事判官君娶孫氏贈尚書工部侍郎冕之女子男六人
縉總紀經維綢早卒總舉進士出身亦早卒孫七人
皆幼君州仕不顯少孤而貧母夫人某氏賢母也教其
三子以學皆有立君與其兄本弟革皆舉進士及第君
初監茶場茶實不惡上官挾他事以罪中之君不自辨
竭其貲以償解官而去無愠色及爲陽山有善政民甚
愛之其旣以疾廢慨然歎曰吾少力學而不幸廢以疾
吾終不用於時矣安事空言哉即取其平生所爲文藁
悉焚之嗚呼君之志可哀也已自三代詩書以來立言
之士多矣其始無不欲其言之傳也而散亡磨滅泯然
不復見於後世者何可勝數或暫見而終沒或其言雖

傳而其人 不爲世所貴者有矣惟君子有諸躬而不可
揜者不待自言而傳也君之不欲見於空言其可謂善
慮於無窮者矣其志豈不遠哉雖然君之志旣不自見
於言而宜有爲之著者路所以彰善而著無窮也乃爲
之銘曰 夫惟自信者不疑知命者不惑故能得失
不累其心喜愠不見其色嗚呼鄭君學幾於此斯可謂
之君子

端明殿學士蔡公墓誌銘

蘇本作贈吏部侍郎蔡君墓誌銘

公諱襄字君謨興化軍仙遊人也天聖八年舉進士甲
科爲漳州軍事判官西京留守推官改著作佐郎館閣
校勘慶曆三年以秘書丞集賢校理知諫院兼脩起居
注是時天下無事士大夫弛於乂安一日元昊叛師乂

無功天子慨然歎兵思正百度以修太平既已排羣議
進退一作用二三大臣又詔增置諫官四員使拾遺補
闕所以過之甚寵公以材名在選中遇事感歎無所回
避一有於是二字權倖畏斂不敢撓法干政而上得益
與大臣圖議明年屢下詔書勸農桑興學校革弊修廢
而天下悚然知上之求治矣於此之時言事之臣無日
不進見而公之補益為尤多四年以右正言直史館出
知福州以便親遂為福建路轉運使復古五塘以溉田
民以為利為公立生祠於塘側又奏減閩人五代時丁
口稅之半丁父憂服除判三司鹽鐵勾院復脩起居注
今參知政事唐公介時為御史以直言忤旨貶春州別
駕廷臣無敢言者公獨論其忠人皆危之而上悟意解

唐公得改英州遂復召用皇祐四年遷起居舍人知制
誥兼判流內銓御史呂景初吳中復馬遵坐論梁丞相
適罷臺職除他官公封還詞頭不草制其後屢有除授
非當者必皆封還之而上遇公益厚上吉脫此字曰有
子如此其母之賢可知命特賜冠被以寵之至和元年
遷龍圖閣直學士知開封府三年以樞密直學士知泉
州徙知福州未幾復知泉州公為政精明而世蘇本作
閩人蘇有九字知其風俗至則禮其士之賢者以勸學
興善而變民之故除其甚害往時閩人蘇作土多好學
而專用賦以應科舉公得先生周希孟以經術傳授學
者常至數百人公為親至學舍執經講問為諸生率延
見處士陳烈尊以師禮而陳襄鄭穆方以德行者稱鄉

里公皆折節下之閩俗重凶事其蘇作而奉浮圖會賓
客以盡力豐侈為孝否則深自愧恨為鄉里羞而姦民
游手無賴子幸而貪飲食利錢財末者無限極往往至
數百千人至有親亡秘不舉哭必破產辦具然後敢發
喪者有力者乘其急時賤買其田宅而貧者立券舉
責終身困不能償公曰葬有大於此邪即下令禁止至
於巫覡主病蠱毒殺人之類皆痛斷絕之然後擇民之
聰明者教以醫藥使治疾病其子弟有不率教令者條
其事作五戒以教諭之久之閩人大便公既去閩人相
率詣州請為公立德政碑吏以法不許謝即退而以公
善政私刻于石曰俾我民不忘公之德嘉祐五年召拜
翰林學士權三司使三司開封世稱省府為難治而易

以毀譽居者不由以遷則由以敗而敗者十常四五公
居之皆有能名其治京師談笑無留事元喜破女奴蘇有張字
隱吏不能欺至商財利則較天下盈虛出入量力以制
用必使下完而上給下暨百司因習蠹弊切磨剗剔久
之簿書纖悉紀綱法度皆可法七年季秋大享明堂後
數月仁宗崩英宗即位數大賞賚及作永昭陵皆猝辦
於縣官經費外公應煩愈閑暇若有餘而人不知勞遂
拜三司使居二歲以母老求知杭州即拜端明殿學士
以往三年徙南京留守未行丁母夫人憂明年八月某
日以疾卒于家享年五十有六蘇本有歲字蔡氏之譜
自晉從事中郎克以來世有顯聞其後中衰隱德不仕
公年十八以農家子舉進士為開封第一名動京師後

官于闐典方州領使一路二一作而親尚皆無恙闐人
瞻望咨嗟不榮公之貴而榮其父母母夫人尤有壽年
九十餘飲食起居康彊如少者歲時為壽母子髮髮皆
皤然而命服金紫煌煌如也至今闐人之為子者必以
夫人祝其親為父母者必以公教其子也公於朋友重
信義聞其喪則不御酒肉為位以哭盡哀乃止嘗會飲
蘇耽會字靈東園坐客有射矢誤蘇本作中傷人者客
遽指為公矢京師喧然事既聞家本有上字以問公公
即再拜愧謝終不自辨退亦未嘗以語人公為文章清
道粹美有文集若干卷工於書畫頗自惜不妄為人
書且故其殘章斷畫人悉珍藏而仁宗尤愛稱之御製
元舅隴西王碑文詔公書之其後命學士撰温成皇后

碑文又勅公書則辭不肯書曰此待詔職也公累官至
禮部侍郎既卒翰林學士王珪等十餘人列言公賢其
亡可惜天子新即位未及識公而聞其名久也為之惻
然特贈吏部侍郎官其子曼為秘書省正字孫傳一作傳
及弟之子均皆守將作監主簿而優以賻卹以曼尚幼
命守吏助給其喪事曾祖諱顯皇不仕祖諱恭贈工部
員外郎父諱瑋贈刑部侍郎母夫人盧氏長安郡太君
夫人葛氏永嘉郡君子男三人曰勻將作監主簿曰旬
大理評事皆先公卒幼子曼也女三人一適著作佐郎
謝仲規二尚幼以某年某月某日葬于南田縣某鄉將
軍山錄曰

誰謂闐遠而多奇產產非物寶惟士之賢自疑疑蔡公

其人傑然奮躬當朝讜言正色出入左右彌縫補益
一作闕間歸于闕有政在人食不畏盡變不憂貧疾者
有醫國學者有師問誰使然孰不公思有高其墳有拱
其木凡闕之人過者必肅

集賢院學士劉公墓誌銘

公諱敞字仲原父姓劉氏世為吉州臨江人自其皇祖
以尚書郎有聲太宗時遂為名家其後多聞人至公而
益顯公舉慶曆六年進士中甲科以大理評事通判蔡
州丁外艱服除召試學士院遷大中允直集賢院判
登聞鼓院吏部南曹尚書考功於是夏英公既薨天子
賜謚曰文正曰此吾職也即上疏言謚者有司之事也
且竦行不應法今百司各得守其職而陛下侵臣官疏

凡三上天子嘉其守為更其謚曰文莊公曰姑可以止
矣權判三司開拆司又權度支判官同修起居注至和
元年九月召試遷右正言知制誥臣者石全彬以勞遷
宮苑使領觀察使意不滿退而愠有言居三日正除觀
察使公封還詞頭不草制其命遂止二年八月奉使契
丹公素知虜山川道里虜人道自古北口回曲千餘里
至柳河公問曰自一有古字松亭趨柳河甚直而近不

數日可至中京何不道彼而道此蓋虜人常故迂其路
欲以國地險遠誇使者且謂莫習其山川不虞公之問
也相與譙顧羞媿即吐其實曰誠如公言時順州山

中有異獸如馬而食虎豹家本元塗豹字虜人不識以

一有為字問公曰此所謂駃也為言其形狀聲音皆是

虜人益歎服三年使還以親嫌求知揚州歲餘遷起居
舍人從知鄆州兼京東西路安撫使居數月召還糾察
在京刑獄修玉牒知嘉祐四年貢舉稱為得人是歲天
子卜以子受禘既廷告丞相用故事率文武官家本无官
字蘇亦无加上天子尊號公上書言尊號非古也陛下
自寶元之郊止羣臣母得以請迨今二十年無所吉誤
作以字家蘇本作所是加天下皆知甚盛德奈何一旦
受虛名而損實美上曰我意亦謂當如此遂不允羣臣
請而禮官前袷請祔郭皇后于廟自孝章以下四后在
別廟者請毋母家本作毋合食事下議議者紛然公
之議曰春秋之義家本作議不薨于寢不稱夫人而郭
氏以廢薨按景佑之詔許復其號而不許其謚與祔謂

宜如詔又曰禮於袷未毀廟之主皆合食而無帝后之
限且祖宗以未用之傳曰祭從先祖宜如故於是皆如
公言公既驟屈廷臣之議議者已多反目既而又論呂
秦過輕而責重與基諫異由是言事者亟攻之公知不
容于時矣會求興闕守因自請行即拜翰林侍讀學士
充求興軍路安撫使兼知求興軍府事長安多富人右
族豪猾難治猶習故都時態一無時字公方發大姓范
偉事獄未具而公召由是獄屢變連年吏不能決至其
事聞制取以付御史基乃決而卒如公所發也公為三
州皆有善政在揚州奪發運使冒占雷塘田數百頃予
民民至今以為德其治鄆求興皆承早歉所至必雨雪
蝗輒飛去歲用豐稔流亡來歸令行民信盜賊禁止至

路不拾遺公於學博蘇誤作博學自六經百氏古今傳
記下至天文地理卜醫數術浮圖老莊之說無所不通
其為文章尤敏瞻嘗直紫微閣一日追封皇子公主九
人公方將下直為之立馬却坐一揮九制數千言文辭
典雅各得其體公知制誥七年當以次遷翰林學士者
數矣久而不遷及居永興歲餘遂以疾聞八年八月召
還判三班院太常寺公在朝廷遇事多所建明如古渭
州可棄孟陽河不可開樞密使狄青宜罷以保全之之
類皆其語在士大夫間者若其規切人主直言逆耳至
於從容進見開導聰明賢否人物其事不聞於外廷者
其補益尤多故雖不合於世而特被人主之知方嘉祐
中嫉者衆而攻之急其雖危而得無害者

仁宗深察其忠也及侍英宗講讀不專章句解詁而指
事據經因以諷諫每見聽納故尤奇其材已而復得瘡
眩疾告滿百日求便郡上曰如劉某者豈易得也別本
復賜以告上每宴見諸學士時時問公少間否賜以新
橙五十勞其良苦疾一作久字少間復求外補上悵然
許之出知衛州未行徙汝州治平三年召還以疾不能
朝改集賢院學士判南京留司御史臺熙寧元年四月
八日蘇作某日卒于官舍享年五十嗚呼以先帝之知
公使其不病其所以用之者豈一翰林學士而止哉方
公以論事忤於時也又有構為謗語以怒時相者及歸
自雍丞相韓公方欲還公學士未及而公病遂止於此
豈非其命也夫公累官至給事中階朝散大夫勳上輕

車都尉開國彭城爵公邑戶二千一百實食者三百曾
祖諱瑛三代諱家本皆作某贈大理評事祖諱式尚書
工部員外郎贈戶部尚書考諱立之尚書主客郎中贈
工一作禮部尚書再娶論氏皆侍御史程之女前夫人
先公早卒後夫人以公貴累封河南郡君子男四人長
定蘇家一作充國郊社掌座早卒次奉世大理寺丞次
當時大理評事次安上太常寺太祝女三人長適大理
評事韓宗直尚幼公既卒天子推恩錄其兩孫望旦
一族子安世皆試將作監主簿公為人磊落明白推誠
自信不為防慮至其屢見侵害皆置而不較亦不忿于
胷中居家不問有無喜調宗族既卒家無餘財與其弟
放友愛尤篤有文集六十家本作若干蘇同卷其為春

秋之說曰傳曰權衡曰說例曰文權一無此三字曰意

林合四十一一無此字卷又有七輕小傳五卷弟子記

五卷而七輕小傳今盛行於學者二年十月辛酉家本

作其月日其弟放與其子奉世等葬公于某所一作葬

公祥符縣魏陵鄉附于先墓以來請銘乃為之銘曰

嗚呼維仲原父學彊而博識敏而明坦其無疑一以誠

見利如畏義必爭觸機履險危不傾畜大不施奪其齡

惟其文章粲日星雖欲有毀知莫能維古聖賢皆後身

有如不信考斯銘

零陵縣令贈尚書都官員外郎吳君墓碣銘序

君諱舉字大冲姓吳氏興國軍永興人也曾祖諱瑗祖

諱章父諱思迴家本作三代諱某字某蘇同五代之際

自江以南為南唐唐上家本無南字吳氏亦微不顯當
李煜時以明經為彭澤主簿太祖皇帝召煜未朝煜不
奉詔遣曹彬討之前鋒兵破池陽遣使降郡縣使者至
彭澤其令欲以城降君以大義責之且曰吾能為李氏
死尔乃共殺使者為煜守煜已降君為游兵執送軍中
主將責以殺使者君曰固當如是爾主將義而釋之當
是時常仕煜者皆隨煜至京師得復補吏君獨棄去不
顧太平興國二年詔求李氏時故吏所在數遣君始至
京師以鄆州平陰主簿歷益州成都令陝州錄事參軍
襄州之宜城洋州之真符福州之連江楚州之鹽城耀
州之同官最後為零陵令以祥符九年八月二十六日家
蘇作某年某月某日道卒于揚州享年七十有六夫人

伏氏能讀書史有賢行後君十有四年享年八十有二
以卒子男二人長曰覲早卒次曰中復今為起居舍人
家本作某官蘇同以景佑三年十有一月甲子合葬君
夫人于南康軍都昌縣之長城君學春秋通三傳其臨
大節知所守當五代時僭竊分裂喪君亡國不別本有
可守勝數士之不得守其節與不能守者世皆習而不
恠君於此時獨區區志不忘李氏其義有足動人然而
別本有人字亦無為君道者故君之出處自重不妄宜
其世莫之知而潛德晦善顯於後世克有賢子為時名
臣君以子恩累贈尚書都官員外郎考於令品又得賜
于其墓以昭令德而示子孫於是史官廬陵歐陽脩曰
此余職也乃為之辭曰

世逢屯兮廉恥道缺中國五擅兮九州分裂朝存夕忘
兮士莫守節昧者習安兮懦夫志奪偉哉吳君兮凜矣
其烈也莫我知兮不妄自伐有韞必昭兮後世而發鳴
呼吳君兮寓銘斯碣

歐陽文忠公集三十五卷

善哉死攝提格縣人陳斐允章校勘刊謄

善哉死攝提格縣人陳斐允章校勘刊謄

新

陳

家

印

歐陽文忠公集卷第三十六

臨江後學曾魯得之考異



墓誌七首

南陽縣君謝氏墓誌銘

慶曆四年秋子友宛陵梅聖俞來自吳興出其哭內之
詩而悲曰吾妻謝氏亡矣凶我以銘而葬焉子蘇有諾

之二字未暇作居一歲中書七八至未嘗不以謝氏銘

為言且曰吾妻故太子賓客諱濤之女希深之妹也希

深父子為時聞人而世顯榮謝氏生於盛族年二十以



臺灣國家圖書館 NATIONAL CENTRAL LIBRARY, TAIWAN, R.O.C.

歸吾兄十七蘇本作八年而卒卒之夕歛以嫁時之衣矣

吾貧可知也然謝氏怡然處之一作處之怡然治其家

有常法其飲食器皿雖不及蘇作至字豐侈而必精以

旨其衣無故新而澣濯縫紉必潔以完所至官舍雖庫

陋而庭宇灑掃必肅以嚴其平居語言容止必怡怡蘇

作從容以和吾窮於世久矣蘇本有不推信於聖人以自

守久字其出而幸與賢士大夫遊而樂入則見吾妻之

怡怡而忘其憂使吾不以富貴貧賤累其心者抑吾妻

蘇本脫妻字之助也吾嘗與士大夫語謝氏多從戶屏

竊聽之間則盡能商確其人才能賢否及時事之得失

皆有條理吾官吳興或自外醉而家本脫醉而字歸必

問曰今日孰與飲而樂乎聞其賢者也則悅否則歎曰

君所交皆一時賢雋今與是人飲而權邪是歲南方旱

仰見飛蝗而歎曰今西兵未解天下重困盜賊暴起於

江淮而天旱且蝗如此我為婦人死而得君葬我幸矣

其所以能安吾吉本作吾今從家本貧而不困者其性

識明而知道理多此類家作類此嗚呼家本無嗚呼字

其生也迫吾之貧而沒也又無以厚焉謂惟文字可以

著其蘇本無其字不朽且其平生尤知文章為可貴歿

而得此庶幾以慰其魂且塞予悲此予所以請銘於子

之勤也若此予忍不銘夫人享年三十七用夫恩封南

陽縣君二男一女以其年七月七日蘇本及家本作某

年某月某日卒于郵梅氏葬死陵以貧不能歸也某年

某月某日葬于潤州之某縣某原銘曰

高崖一作岸斷谷兮京之原山蒼水深兮土厚而堅居
之可樂兮卜者曰然骨肉雖一作歸土兮魂氣則一作
非天何必故鄉兮然後為安

萬壽縣君徐氏墓誌銘 井序 家本無井序字氏

蘇本 蘇本作夫人而無二注字

河東都轉運使天章閣待制施君卜以慶曆五年三月
五日 家本作某日 葬其夫人萬壽縣君于蘇州吳縣三
讓鄉之陸公原以來請銘夫人姓徐氏世家通州之靜
海七歲喪其母哀不自勝泣曰母女所恃以生者也無
母其腹能生因欲投水火一無火字其父兄力止之既
長事其繼母則以孝聞年若干歸于施氏逮事其姑紉
縫烹飪必以身蚤暮寒暑飲食必以時姑亡哀毀得疾

逾年而後能起生五男一女明貌舉進士其官知開封
府太康縣曰述曰造皆將作監主簿曰迴曰遜皆幼女
曰錦娘慶曆二年十一月甲子以疾卒于河東之官舍
享年四十有三夫人之生也事其繼母及姑皆稱曰孝
及其沒也其夫之稱曰吾妻助我而賢其子之幼者曰
吾母慈我其長者之稱曰吾母不以愛急一作殆我而
以成人易我使我至於有立凡施氏以外內婚姻宗族之
稱者曰夫人遇我有禮而仁至於妾媵左右之稱者亦
曰夫人於我仁而均嗚呼夫人之行至矣其勤而有法
其施之各有宜可謂賢也已若夫男子見於外其善惡
功過可舉而書至於婦德主內自非死節徇難非常之
事則其幽閒淑女之行孰得顯然列而書之以示後惟

視其所稱與其所思則其賢家本聰賢字可知矣施君
名昌言一無此三字有以明識敏行守正敢言於當世
也其稱曰助我則夫夫人之賢又徒可短矣二十八字夫
人曾祖諱某祖諱某父諱某以尚書都官員外郎致仕
夫生而其善可稱未若歿而遺恩之深也悲夫銘曰
於惟夫人東海之華始來施氏有比室家為婦為母勤
學勞勛有女昔緜今婉其裾子綬煌煌弟長相趨夫爵
之高榮及親疏厥家已成而獨不居千里之遠歸魂東
吳銘以哀之已矣嗚呼

長沙縣君胡氏墓誌銘

井序家蘇無井序字

故太子中舍張君諱某之夫人曰一無此字長沙縣一
有太字君一有曰字胡氏胡氏世為某一作世某郡某

縣人父諱震官至刺史夫人年二十七以歸中舍君君

時為融州司理參軍歷潭州寧鄉縣尉鳳州兩當福州寧

德二一作兩縣令以卒夫人之為婦也以勤儉恭肅主

張氏之祭饋而睦其內外之宗姻生子一無此字男二

人女一人男曰大年大有皆舉進士一無此四字大年

今為鄭州原武縣令大有秘書丞女適邵陽縣令錢奕

夫人之為母也以禮義慈嚴教育其子故其一無此字

男也有立而克嗣其世女也適於人而宜人之家為婦

為婦為母之道無不備而成其夫之家享其子之祿以

某年某月某日以疾卒享年七十有五又用其子之恩

追封長沙縣一有六字君嗚呼一有天人二字可謂榮

矣中舍君先以一無此二字某年某月日卒葬于某州

某縣某鄉夫人一無此二字以其年某月某日一有奉

夫人之喪合葬于中舍君之墓銘曰

婦德之備功施也一作于內銘昭于幽以法後世

長壽縣太君李氏墓誌銘

太中夫人尚書屯田郎中上柱國王公諱利之夫人曰

李氏李氏世家湖南其父諱昭文官至國子博士贈工

部侍郎夫人年二十二歸于王氏用夫封隆平縣君後

以其子徙封長壽縣太君夫人為李氏女事後母以孝

聞及為王氏婦一有以事父母者五字逮一無此字事

其舅姑其舅姑嘗稱夫人以誠諸婦曰事我者當如此

又以誠其諸女曰為人婦者當如此其為母也有三男

三女及其老也鼎為職方員外郎震太子中舍復太常

博士三子者皆有才行而復尤好古有聞于當世女皆

有歸孫男六人曰夷仲曰虞仲曰于仲家本作子仲曰

南仲曰武仲曰延仲女五人一亦歸人矣餘尚幼夫人

享年八十有六以慶曆七年七月十日終于京兆子復

之官舍用明年二月十七日家蘇本作某日合葬于河

南洛陽大樊原王公之墓夫人於王氏積行累功其德

備矣不可以編書一作此之德可謂備矣書其舅姑之

所嘗稱者以見其為婦之道書其子之賢而有立以見

其為母之方書其子孫之衆壽考之隆以見其勤于其

家至于有成而終享其福之厚嗚呼於夫人無不足矣

而其子若孫皆曰未也謂必有以示來久而不沒一有

者字庶幾以慰無窮之哀乃來請銘以葬其子之友廬

陵歐陽脩爲之銘曰

家成于勤德隆以壽歸安其藏以昌厥後

廣平郡大君張氏墓誌銘

并蘇本家無并序字

故右諫議大夫集賢院學士贈禮部尚書號略揚公之
夫人曰廣平郡大君張氏其先青州人後徙爲開封人
也揚公諱大雅以文行知名于時號有清節夫人佐公
以勤儉治其家教子弟和宗族皆有法公以明道元年
四月某日薨後二十有四年至和二年六月某日夫人
以疾卒于高郵嘉佑元年二月某日葬于杭州錢塘縣
覆太鄉湖西村靈隱山祖塋之西夫人曾祖嗣當五代
之亂不顯祖平舉三礼 太宗皇帝爲晉王署平押衙
爲人剛果有智謀以此尤見親信官至三司鹽鐵使父

從古莊宅副景德中以殿直從李繼隆軍擊契丹繼隆
戰敗從古入見陳繼隆所以敗之狀其言甚辯稱旨會
宜州蠻叛乃以從古爲供奉官守宜州從古招降叛蠻
秩滿罷去以內殿崇班馮勵代之蠻復叛攻宜州斬勵
而去告邊吏曰得張侯守宜州我則聽命即復遣從古
守宜州凡七年蠻無事徙知澧州而宜州人陳進反攻
嶺南驛召從古以爲巡撫副使與賊戰象州斬首萬餘
級已破進歸州州以疾卒宜人爲立廟于州北韓婆嶺慶
曆中蠻賊歐希範攻宜桂轉運使杜杞禱兵于廟下更
其名曰制嶺至今宜人祠之蓋揚氏自漢以來世有令
譽迨公千餘歲嘗有顯人而張氏威烈信于一方揚氏
以德張氏以功合二族之美而夫人爲淑女爲賢婦母

享年六十以壽終公先娶漳南縣君張氏生子二人曰
洵虞部員外郎曰濬毅中丞女三人長適國子博士袁
成師次大理寺丞李巖次殿中丞溫嗣良夫人生子男
四人曰泳大理寺丞漸奉禮郎曰沆太子中舍曰淵大
理家本作衛尉寺丞有女一人歸于脩女之適李氏者
今封武原縣太君餘女及濬泳漸皆先夫人而亡孫男
十四人嗚呼惟德與功與賢法皆宜銘銘曰
有邑清河遂開其邦又從南陽皆以夫榮後用子封京
北廣平宜其大子有淑其聲子孫之思考德有銘

渤海縣太君高氏墓碣

故尚書兵部員外郎知制誥知鄧州軍事陽夏公之夫
人姓高氏宣州宣城人也父諱惠連官至兵部郎中母曰

廣陵縣君勾氏陽夏公諱絳姓謝氏夫人有子曰景初
景溫景平女一 早卒次適上虞縣令王存次適大理寺
丞李慶厚次若干人未嫁寶元二年陽夏公卒于鄧州
以其年八月 家本作其某年某月 某日葬于某所後若
千年夫人隨其子某官于某所以其年某月某日卒于
官舍遂以其年某月某日合葬于公之墓夫人初以夫
封文安縣君後以其子封渤海縣太君謝氏世為名族
而陽夏公尤顯聞于時初公與子俱官于洛陽而公之
父太子賓客諱濤尚無恙其子景溫方為童兒景平始
生二三女子皆幼余日至其家進拜賓客見其髣髴垂
白衣冠肅潔貌厚而氣清壽考君子也退而與陽夏公
游見其年壯志盛偉然方為一時名臣而諱女子孀戲

樽席之間者皆頴發而秀好於是時夫人以孝力事其
舅為賢婦以柔順事其夫為賢妻以恭儉均一教育其
子為賢母後二三年賓客薨于京師又五六年陽夏公
卒于鄧又十餘年景初景溫景平皆以進士及第景初
為某官景溫為某官景平為某官夫人於其舅與夫為
婦之禮備於其子立家之道成享年若干以卒嗚呼余
始銘賓客又銘陽夏公今又書夫人之事于碣殆見謝
氏更一也矣其為之書也宜得其詳

北海郡君王氏墓誌銘

太常丞致仕吳君之夫人曰北海郡君王氏濰州北海
人也皇考考一作父諱行蘇本作丁舉明經不中後為
本州助教夫人年二十三家本作若干歸于吳氏天聖

元年六月二日家本作某甲子以疾卒享年三十有七

夫人為人孝順勤儉自其幼時凡於女事其保傅皆曰
教而不勞組紉織紉其諸女皆曰巧莫可及其婦于家

蘇本作其吳氏也其母曰自吾女適人吾之內事無所
助而吳氏之姑曰自吾得此婦吾之內事不失時及其

卒也太常君曰舉吾里有賢女者莫如王氏於是娶其
女弟以為繼室而今夫人戒其家曰凡吾吳氏之內事

惟吾女兄之法是守至今而不敢失夫人有賢子曰奎
字長文初舉明經為蘇本作歷殿中丞家本作其官後

舉賢良方正直言極諫一有對策二字今為翰林學士

尚書兵部員外郎知制誥尚書兵部員外郎知制誥家
本作梁官夫人初用子恩追封福壽一作昌縣君其後

長文貴顯以夫人為請天子曰近臣吾所寵也有請其可不從乃特追封夫人為北海郡君長文號泣頓首曰臣奎不幸竊享厚祿不得及其母而天子寵臣以此俾以報其親蘇有雖然二字臣奎其何以報當是時朝廷之士大夫吳氏之鄉黨鄰里皆咨嗟嘆息曰吳氏有子矣嘉祐四年冬長文請告于朝將以明年正月丁酉家本作某日葬夫人于鄆州之魚山蘇本以書末乞銘五字夫人生三男曰奎奄胃今夫人生一男曰參女三人孫男女九人元九人家本皆作若干人曾孫女二人銘曰奎顯矣奄早亡胃與參仕方強以一子榮一鄉生雖不及歿有光孫曾多一作已有後愈昌

長安郡大君盧氏墓誌銘

并序 家本無并序字

長安郡大君盧氏尚書刑部侍郎蔡公諱琇之夫人端明殿學士尚書禮部侍郎襄之母也以治平三年十月某日卒于杭州之官舍享年九十有二嗚呼可以為壽矣夫壽者洪範所謂五福也福者百順之名也故離之雖為五必合而不闕其一然後為福之備也蓋五者在人其一曰德而其四在天必有其一於已然後能致其四而有諸已者或厚或薄故其所致亦有備有不備焉夫老而貧且病者是人之所以衰非福也壽且富康而無德以將之謂之賊與不仁非福也三者具而又有德而死非其命者謂之不幸非福也故曰必不闕其一然後為福之備者惟夫人有之夫人在父母家奉其親以孝其歸于蔡氏也其舅姑老事之如其親其歸寧於父母也

能使其舅姑不見三日必涕泣而思其事長慈幼既儉且勤久而宗族和鄉黨化其亡也柩自餘杭至里閭親戚哭之徃徃有過乎哀者問之皆曰夫人於我有德而人人各有述焉嗚呼可謂賢也已夫人生四子其三皆早卒而端明君第二子也獨顯赫為時名臣自為諫官知制誥翰林學士知開封府三司使間出知泉福二州福建路轉運使出入清要光華寵榮以為其親之養而夫人享此者蓋三十有六年端明君已顯貴天子嘉之曰有子如此其母之賢可知於是有冠帔之錫夫人平生少疾病雖老而耳目聰明食生飲寒如壯者晚從端明君于杭州極東南富麗海陸之珍奇以為娛樂之奉而奄然以其壽終其於五福可謂不闕一矣方夫人之

盛時凡為人子者舉觴壽其親莫不以夫人為祝而不幸滌不及養者必仰天怨吁謂厚薄不均以不得如夫人為恨蓋不知夫有諸已者厚故能致其福之備也夫人泉州惠安人也曾祖諱某祖諱某父諱某皆不仕其三子早卒者曰丕不及仕曰高太康縣主簿曰奭福州司戶參軍女二人皆適仕族孫六人曾孫三十餘人嗚呼盛矣蔡氏之後其又將大興乎銘者所以昭德而示後也於是端明君之友廬陵歐陽脩為之銘曰
維治平四年十有一月某日孤子襄附其母夫人盧氏于先君之墓其縣仙游其里慈孝其岡半井其固其安其千萬年之永

歐陽文忠公集卷三十六

歐陽文忠公集卷第三十七

臨江後學曾魯得之考異

墓誌一十七首宗室

皇從姪衛州防禦使遂國公墓誌銘

惟遂昭裕公宗顯字希聖 太宗皇帝之曾孫潞恭憲
王元佐之孫鎮江軍節度使兼侍中郇國公允成之長
子初除西頭供奉官歷內殿崇班禮賓崇儀副使大宅
使改左屯衛大將軍封州刺史遷左金吾衛大將軍領
復州團練使左衛大將軍領郢州防禦使拜衛州防禦
使公好學通王氏易喜為詩藏書數万卷性聰敏多能

歐陽文忠公集卷三十六

歐陽文忠公集卷第三十七

臨江後學曾魯得之考異

墓誌一十七首宗室

皇從姪衛州防禦使遂國公墓誌銘

惟遂昭裕公宗顯字希聖 太宗皇帝之曾孫潞恭憲
王元佐之孫鎮江軍節度使兼侍中郇國公允成之長
子初除西頭供奉官歷內殿崇班禮賓崇儀副使大宅
使改左屯衛大將軍封州刺史遷左金吾衛大將軍領
復州團練使左衛大將軍領郢州防禦使拜衛州防禦
使公好學通王氏易喜為詩藏書數万卷性聰敏多能

至於琴奕之藝佛老之說所學必通履行脩謹未嘗有
過失每燕見侍上讀易賦詩數賜器幣詔書褒美嘗召
宴太清樓賦裸玉詩爲諸皇子第一上尤嘉賞賜繒綵
二百段有詩集十卷至和二年九月壬戌以疾薨享年
四十有八初其疾也上遣中貴人押國醫治之既薨輟
視朝一日勅有司具駕將視喪以雨不克遣中貴人厚
加賻卹乃贈昭信軍節度使太常考行謚曰昭裕權厝
于東法濟寺夫人太原郡君郭氏燕王從義之裔孫子
男三人長曰仲連右千牛衛將軍次曰仲丹仲錫皆太
子右內率府副率早卒女四人長適左侍禁潘若旦今
亡次適內殿承制閤門祗候郭士選次家蘇作其一家
蘇有亦字
亡以嘉祐五年十月乙酉葬于河南永安縣

銘曰
學而通行益脩中充實外譽優見於言帝所褒雖不克
施於事斯可以銘諸幽

皇從姪筠州團練使安陸侯墓誌銘

安陸侯宗訥字行敏 太宗皇帝之曾孫路恭憲王元
佐之孫鎮江軍節度使兼侍中郇國公允成之第二子
初除西頭供奉官歷內殿崇班承制改右千牛衛將軍
領茂州刺史天子祀明堂推恩遷領筠州團練使至和
元年八月癸卯以疾卒享年四十有六天子哀卹贈安
州觀察使追封安陸侯權晉于薦嚴佛寺嘉祐五年十
月乙酉葬于河南永安縣夫人長樂郡君賈氏子男五
人其二早卒次仲緘右千牛衛將軍二人尚幼未名女

八人長適右侍禁蔚世庸再適右侍禁郭昭簡今亡次
適左班殿直劉起次適陳敷今亡次適王整次適董昭
遜次適張經今亡次適程翼皆右班殿直最幼入太和
宮爲道士惟俛學知爲詩好義喜施性端謹能脩容止
進退有法未嘗少懈銘曰
思無邪容則莊蔚然有儀人所望學而不止以愈彰銘
昭厥美示不忘

皇從姪右領軍衛大將軍博平侯墓誌銘

惟太祖皇帝之長子曰吳懿王之曾孫右屯衛大將軍
昌州團練使贈彰化軍節度使舒國公惟忠之孫萊州
防禦使東萊侯從恪之第二子金紫光祿大夫檢校國
子祭酒右領軍衛大將軍兼御史大夫輕車都尉天水

郡開國侯世融字仲源幼好學不驕富貴以清節自勵
尊重師友執經問道無倦色嘗自銘其器初起居寢食
視之喜爲詩工書亦通浮屠說平居一室蕭然吉本作
欲今依家本終日無所營欲故世咸知其賢初爲殿直

歷左右侍禁改太子右衛率府率遷右領軍衛將軍夫
子祀明堂推恩爲本衛大將軍當寶元康定間趙元昊
叛西邊用兵侯率宗室七人詣闕自言願効用上深嘉
獎至和二年七月癸未得疾神色怡然與諸昆弟談論
不輟是日卒享年四十贈博州防禦使追封博平侯天
子悲思不已爲飛帛字六曰世融好學忠孝以褒之夫
人金城縣君王氏子男七人五早亡在者二人曰令晏
右千牛衛將軍令歲大子右監門率府率女二人長適

右班殿直王戡少早卒以嘉祐五年十月乙酉葬于某所銘曰

富貴不動其心生死不渝其色惟性之安惟學之力孰云不壽永昭厥德

皇從姪廉州刺史高密侯墓誌銘

惟高密侯宗師字靖之太宗皇帝之曾孫潤恭靖王元份之孫濮王允讓之第七子明道元年爲右侍禁遷左侍禁改太子左清道率府率副累遷金紫光祿大夫檢校國子祭酒行太子左清道率府率兼侍御史騎都尉封天水縣開國男食邑叁伯戶居三歲遷右監門衛將軍兼御史大夫轉勳上騎都尉進爵子加食邑三百戶天子祀明堂推恩遷右領軍衛大將軍轉勳輕車都

尉進爵伯加食邑三百戶天子有事于南郊推恩轉勳上輕車都尉進爵侯加戶四百至和元年五月領康州刺史嘉祐元年十月甲子暴疾薨于家享年二十有九贈密州觀察使追封高密侯惟侯沈靖寡言寬仁好學未嘗有過失夫人濮陽郡君吳氏生男一人仲廩太子右內率府副率女三人尚幼以嘉祐五年十月乙酉葬于河南永安縣銘曰
好仁而靜敏學而明雖不永年而垂令名上安于此其固其寧

皇從姪右監門衛將軍廣平侯墓誌銘

廣平侯宗沔字上善太宗皇帝之曾孫潤恭靖王元份之孫濮王允讓之第二子初授銀青光祿大夫檢